

ՎՐԱՍՏԱՆԻ ՀԱՅՈՑ ԹՎԱՔԱՆԱԿԸ XVIII ԴԱՐՈՒՄ

Վ.Ա.ՀՐԱՄ ՄԱՐՏԻՐՈՍՅԱՆ

Արևելյան Վրաստանի ազգաբնակչության քանակի, ազգային կազմի և տեղաբաշխման լուսաբանման համար կարևոր աղբյուր է 1770 թ. ապրիլի 5-ի թվակիր ցուցակը: ¹ Եր ցուցակում Արևելյան Վրաստանի ազգաբնակչության ընդհանուր ծխային քանակը ներկայացված է ըստ մարզերի և քաղաքների: Գավառական ազգաբնակչությունը նշված ցուցակում տարրորոշված է նաև էթնիկական առումով, իսկ քաղաքի բնակչության թվական քանակը ըստ էթնիկական պատկանելության չի խմբավորված:

Պրոֆ. Ա. Ցաղարեկին, որն այդ ցուցակը առաջինն է գիտական շրջանառության մեջ դրել, գրել է. «Հարկ կա՞ արդյոք ավելացնելու, որ վերը բերված վիճակագրական տեղեկությունները հեռու են լիակատար և անվերապահ ճշգրիտ լինելուց, սակայն նույնիսկ այդ տեսքով դրանք խիստ ուսանելի են»¹:

Թեև նշված ցուցակում «չի արտացոլված արտոնյալ դասը (արքունիքը, ազնվականությունը, հոգևորականությունը) ամբողջապես կամ գոնե դրա մեծ մասը»², այդուհանգերձ ցուցակում բերված թվերը հնարավորություն են տալիս մոտավոր պատկերացում կազմելու Քարթլ-Կախեթի դյուղերում և քաղաքներում բնակվող հայերի քանակի մասին: Չնայած, ինչպես ասվեց, նշված ցուցակում քաղաքների ազգաբնակչությունը չի տարրորոշված ըստ էթնիկական կազմի, սակայն այլ աղբյուրներից հայտնի է, որ Տփղիսի 4000 ծուխ բնակչությունից 2500-ը հայկական էր, այսինքն կազմում էր քաղաքի բնակչության 72 տոկոսից ավելին: «Թբիլիսիում կա մոտ 20000 բնակիչ, որից 14000-ը հայեր են, 3000-ը՝ մահմեդականներ, 2000-ը՝ վրացիներ և 500-ը՝ հայ կաթոլիկներ»³,— գրում է Փրանսիացի բուսաբան Տուրնեֆորը, որը Լյուդովիկոս XIV-ի հանձնարարությամբ 1700 թ. ճանապարհորդել է Մերձավոր և Միջին Արևելքի երկրներում, եղել է նաև Վրաստանում: Հայ ազգաբնակչությունը ոչ միայն Տփղիսում, այլև Արևելյան Վրաստանի այլ քաղաքներում և քաղաքատիպ ավաններում գերակշիռ մեծամասնություն էր կազմում. «Հայերը գործունեության հա-

1 А. Ц а г а р е л и. Новые архивные материалы для истории Грузии XVIII столетия. — Журнал Министерства народного просвещения, январь, 1883, с. 131.

2 Յ. ց ա ժ ր Ե յ Ե Լ Ե Օ, Ֆ. Ը լ ի Թ ի Պ Յ Օ Լ Օ Ո. 1770 թ. 5 պրիոլոս ԼԵՄՕԳՐԱԳՐՈՅԼՈՒ ՆՅՆՆԱ.— «ՁԱՇՆԵ» ԻՏԺՈՐՈՒՍ, ԳՐԵՄՈԼՈԳՈՒՍ, ԵՄՆՕԳՐԱԳՐՈՒՍ ԸՄ ՆԵՂՈՅՆԵՑԻՍ ԻՏԺՈՐՈՒՍ ՆԵՄՈՍ. 1973, №1, ՅՅ. 151.

3 М. П о л и е в к т о в и Г. Н а т а д з е. Старый Тифлис. Тифлис, 1929.

տուկ ոլորտ ունեին, նրանք էին կազմում Վրաստանի *trers-etat*-ը (երրորդ դասը), որին վրացիներից միայն առանձին անհատներ էին պատկանում»⁴։ Պրոֆեսոր Ա. Խախանովի կարծիքը զալիս է հավաստելու մեր վերը հայտնած միտքը։

Բերենք 1821 թ. անցկացված մարդահամարի տվյալներով Արևելյան Վրաստանի քաղաքների ազդարնակչության էթնիկական կազմն ըստ ծխերի.

	վրացիներ ուսաներ	հայեր
Թիֆլիս	417	2951
Գորի	121	331
Անանուր	24	123
Թելավ	74	236
Աղնախ	12	377 ⁶

Վիճակագրական տվյալները հիմք են տալիս ենթադրելու, որ Արևելյան Վրաստանի քաղաքային բնակչության թվական փոխհարաբերությունը XVIII դարի ընթացքում ևս մոտավորապես նույնն է եղել, տարբերությունը միայն այն պետք է լիներ, որ XVIII դարում Վրաստանում ուսու ազգաբնակչությունն չկար, հետևաբար հայերի տոկոսային ցուցանիշը ավելի բարձր էր։

Այս ամենը նկատի ունենալով կարելի է պնդել, որ 1770 թ. ապրիլի 5-ի ցուցակում նշված Արևելյան Վրաստանի քաղաքային բնակչության 70 տոկոսը կազմում էին հայերը, հետևաբար մենք կստանանք 4500 ծխից ավելի քաղաքային հայ ազգաբնակչություն։ Եթե ըստ ընդունված կարգի, յուրաքանչյուր ծուխը 5 անձից հաշվենք, ապա կստանանք մոտ 22500 մարդ։ Իսկ եթե տյա թվին ավելացնենք նաև Քարթլիի և Կախեթի գյուղերի հայ բնակչության մոտ 1000 ծուխը, որը մոտ 5000 մարդ կկազմի, ապա կարելի է ենթադրել որ XVIII դարում Քարթլ-Կախեթում բնակվում էր շուրջ 27–28 հազար հայ։

Այժմ տեսնենք, թե այդ թիվը Վրաստանի ազգաբնակչության քանի տոկոսն էր կազմում։ Ըստ պրոֆեսոր Աբ. Կիկվիձեի, Ռուսաստանին միակցելուց առաջ Քարթլ-Կախեթը պիտի ունենար մոտավորապես 380 հազար բնակիչ, Իմերեթի թագավորությունը՝ 200 հազար, Մենգրելիան և Գուրիան՝ 120 հազար բնակիչ, ընդամենը՝ 700 հազար։ Պրոֆեսոր Պ. Գուգուշվիլու կարծիքով, Վրաստանի ողջ ազգաբնակչության թիվը 600 հազար պիտի լիներ, Ֆ. Մախարաձեի կարծիքով, որի հետ համերաշխում է նաև պրոֆ. Գ. Խաչապուրիձեն, Վրաստանի ամբողջ ազգաբնակչության

4 А. С. Хаханов. Положение армян в грузинском царстве. – Братская помощь пострадавшим в Турции армянам. М., 1897, с. 659.

5 Ա. Երիզյան. Ամենայն հայոց կաթողիկոսությունը և Կովկասի Հայք XIX դարում. մասն Ա, Թիֆլիզ, 1894, էջ 139:

ձեռն կարծիքը, ճշմարտությունն ավելի մոտ են կանգնած նաև Ֆ. Մախարաձեն և Գ. Խաչապուրիձեն, քանի որ վերջիններիս Հաշվարկումները խարսխված են վերը քանիցս հիշատակված 1770 թ. ապրիլի 5-ի գեմոգրաֆիկ ցուցակի տվյալների վրա, որոնք համեմատաբար լրիվ են և ամբողջական: Այսպիսով, եթե Վրաստանի ամբողջ ազգաբնակչությունը 400–500 հազար մարդ էր, ապա միայն Արևելյան Վրաստանում բնակվող 27–28 հազար հայ ազգաբնակչությունը, առանց Արևմտյան Վրաստանի և Արևելյան Հայաստանի Ղազախ-Շամշազին, Փամբակ, Տաշիր, Աշոցք գավառների հայ ազգաբնակչության, որոնք XVIII դարում մտնում էին Բարթեղ-Կախեթի թագավորության սահմանների մեջ, կկազմեր ողջ Վրաստանի ազգաբնակչության մոտ 10 տոկոսը, բայց ոչ ամենևին 2 տոկոսը, ինչպես կարծում է Գ. Մախուրաձեն, որը գրում է. «Նշված սլավոնացիների հետևանքով Վրաստանի հայ բնակչությունն ուսումնասիրվող ժամանակաշրջանում էլ ավելի աճեց: Մեր հաշվումներով XVII–XVIII դարերում նրանք կազմում էին ազգաբնակչության 2 տոկոսը, մենք օգտագործել ենք Վրաստանի բնակչության XVIII դարի մարդահամարի նյութերը, ինչպես նաև ռուսական պաշտոնական վիճակագրության տվյալները»¹¹: Նախ նկատենք, որ ռուսական պաշտոնական վիճակագրությունը XVIII դարում Վրաստանում բնակվող հայերի մասին տվյալներ չունի. կան կապիտան Յազդիկովի և Ռ. Մոուրավովի 1770 թ. ապրիլի 5-ի նշված ցուցակի ներկայացրած տվյալները, որոնք ամենևին էլ ռուսական պաշտոնական վիճակագրության տվյալներ չեն, այլ Արևելյան Վրաստանում 1767–1768 թվականին անցկացված մարդահամարի տվյալներից վերցված քաղվածքներ՝ ռուսական արքունիք ներկայացնելու նպատակով¹²: Վերը բերված տարբեր աղբյուրների տվյալները հիմք են տալիս չհամաձայնելու Գ. Մախուրաձեի նշված կարծիքի հետ: Ավելորդ չենք համարում բերել պրոֆ. Գ. Ալլենի կարծիքը Բարթեղ-Կախեթի թագավորության ազգաբնակչության մասին. «Երեք ժողովուրդների բնական կենտրոնը Թիֆլիսն էր, քաղաք, որ ավելի շատ հայկական էր, նույնքան՝ ազրբեջանական, որքան և վրացական: Իսկ ամբողջ տերության մեջ երեք ժողովուրդների քանակական հարաբերակցությունը գրեթե հավասարակշռված էր»¹³: Ինչ վերաբերում է քաղաքային բնակչությանը, ապա նույն հեղինակը գրում է. «Մայրաքաղաքի, Գորիի, Ալիի, Աուրամի բնակչության մեծ մասը հայեր էին»¹⁴: «Հերակլի տերությունը, ըստ էության, իր ազգային կազմով կովկասյան պետություն էր»¹⁵: Սակայն հարցը միայն թվական կազմը չէ, գլխավորն այն է, որ կազմելով քաղաքային ազգաբնակչության հիմնական մասը, հայերը, որպես այդպիսին, թագավորական կենտրոնական իշխանության հուսալի հենարանն էին: Իրավացի է անշուշտ Գ. Մախուրաձեն, երբ նշում է.

11 Г. Я. Ма й с у р а д з е. Из истории взаимоотношений грузинского и армянского народов в XVII–XVIII веках. – Автореф. дисс., представленной на соискание ученой степени канд. ист. наук, Тбилиси, 1970, с. 26.

12 «ՁՅՅԵՅ», 1973, №1, թ. 149.

13 W. E. D. A l l e n. A History of the Georgian people. London. 1932, p. 205.

14 Նույն տեղում, էջ 204: III. Ч х е т и я. Армяне в Тбилиси в шестидесятих годах XIX века. – «Պատմա-բանասիրական Հանդես», 1958, №3, էջ 162:

15 W. E. D. A l l e n. Նշվ. աշխ., էջ 204:

«Վրաց քաղաքների բնակչության մյուս մասի հետ միասին հայ բնակչության առևտրաարհեստավորական խավը նույնպես շահադրգուված էր կենտրոնացված ուժեղ պետություն ունենալու մեջ, և ներգասակարգային պայքարում այն հանդես էր գալիս թագավորի և կենտրոնաձիգ ուժերի կողմից, շնորհիվ որի նպաստում էր վրաց պետականության ամրապնդմանը»¹⁶: Այդպիսին էր քաղաքային բնակչության սոցիալ-քաղաքական դերը ավատատիրության շրջանում ինչպես այլուր, այնպես էլ Վրաստանում: Կազմելով քաղաքային ազգաբնակչության հիմնական մասը, հայերը ոչ միայն առևտրի և արհեստների բնագավառում էին նշանակալից դեր խաղում, հայ ազնվականության ներկայացուցիչները արքունի առաջնակարգ պաշտոններ էին վարում: Այս առթիվ բերենք պրոֆ. Ա. Ս. Խախանովի կարծիքը. «Թերթելով Վրաստանի տարեգրության էջերը, մենք հավաստիորեն իրազեկ ենք դառնում, որ վրաց թագավորները երբեք խտրականություն չէին դնում վրացիների և հայերի միջև, վերջիններիս տրամադրելով խղճի լիակատար ազատություն և լիակատար քաղաքական և քաղաքացիական իրավունքներ»¹⁷: Վրաստանում, իրոք, թագավորական իշխանության կողմից երբեք գոյություն չեն ունեցել կրոնական և ազգային սահմանափակումներ հայերի նկատմամբ, որի շնորհիվ հայերը բնակվել են վրացիների հետ կողք կողքի և հաշտ ու համերաշխ, առանց առանձնանալու երկրի բնիկ ազգաբնակչությունից¹⁸:

ЧИСЛО АРМЯН В ГРУЗИИ В XVIII ВЕКЕ

ВАГРАМ МАРТИРОСЯН

Р е з ю м е

На основании демографического списка от 1770 года число жителей в Грузии составляло 400 – 500 тысяч человек, а число армян Восточной Грузии – 27 – 28 тысяч человек, не считая армян Западной Грузии и Казах-Шамшадинского, Памбакского, Ашоцкого гаваров Восточной Армении, входивших тогда в состав царства Картли-Кахетии. В совокупности армяне тогда составляли около 10 процентов всего населения Грузии.

16 Г. Я. М а й с у р а д з е. Նշվ. աշխ., էջ 27:

17 Տե՛ս, Ա. Ս. Խ ա խ ա ն ո Վ. Նշվ. աշխ., էջ 661:

18 Г. Я. М а й с у р а д з е. Նշվ. աշխ., էջ 25: